

'Urigoitia kasuko' deklarazioa Guadalajaran egitea onartu dio epaileak Barrionuevori

Akusazio partikularrak errekurtsua aurkeztu du eta Donostian deklaratzeko eskatu

Jose Barrionuevok Urigoitia kasuko inputatu gisa Guadalajaran deklaratzeari onartu dio epaileak, Donostiako Instrukzioko Bigarren Epaitegian egin beharrean. Hala ere, Urigoitia sendia ordezkatzeko duen akusazioak errekurtsua aurkeztu zuen atzo eta deklarazioa Donostian egiteko eskatu. Barrionuevo gaurko dago deklaratzera deitua.

Erredakzioa / Donostia

JOSE BARRIONUEVOK gaur deklaratu du, Guadalajaran, Urigoitia kasuko inputatu gisa. Lutxi Urigoitiaren heriotza Donostiako Instrukzioko Bigarren Epaitegiak ikertzen badu ere, deklarazioa Guadalajarako epaitegi batean egiteko eskatu zuen Barrionuevoren abokatuak, eta Justo Rodríguez epaileak onartu egin du eskaera.

Barrionuevok ez deklaratzeko duen eskubidea erabiliko duela argudiatu zuen Barne ministro ohiaren abokatuak, eta, hori dela eta, agerraldia Guadalajarako epaitegi batean egiteko eskatu zuen. Barrionuevo Guadalajarako espetxean dago, Marey kasuagatik ezarri zitzaion hamar urteko espetxe zigorra betetzen.

Lutxi Urigoitiaren sendia ordezkatzeko duen akusazio partikularrak, baina, erreforma errekurtsua bat aurkeztu zuen atzo, Barrionuevok Donostian deklaratu dezala eskatuz. Akusazio partikularra Iñigo Iruin abokatuak darama; eta, atzo aurkeztutako errekurtsuan esaten duenez, Barrionuevok Donostian egin behar du deklarazioa, ez deklaratzeko asmoa agertu duen arren. Akusazioaren arabera, Barrionuevok parte guztiak aurrean dituela deklaratu behar du, eta



Jose Barrionuevo, Auzitegi Gorenera sartzen, Marey kasuko epaiketan.

KOTE RODRIGO

akusazioari galderak egiteko aukera utzi behar zaio.

Urigoitia kasuko diligentsiak geldirik egon dira denbora luzez. Izan ere, Justo Rodríguez epaileak Barrionuevok inputatu gisa deklaratu behar zuela erabaki zuen; baina garai hartan diputatu zenez, Donostiako Instrukzioa Epaitegiak ezin zuen kasua ikertzen jarraitu. Barne ministro ohiaren aforatu egoerak —diputatu kargua izatea, alegia— diligentsiak Auzitegi Gorenean egitea eskatzen zuen. Hala, Donostiako Instrukzioko Bigarren Epaitegiak Auzitegi Gorenera bidali zuen Urigoitia kasuko sumarioa 1997ko maiatzean. Auzitegi Gorenak, ordutik, geldirik eduki du kasu horren ikerketa.

'Marey kasuko' sententzia eza-gututa, ordea, Barrionuevok galdu egin zuen bere diputatu kargua, eta horrekin baita aforatu

egoera ere. Beraz, Auzitegi Gorenak Donostiako epaitegiara itzuli du 'Urigoitia-kasuko' sumarioa, diligentsiak Justo Rodríguez epaileak jarraitu ditzan.

Frogak manipulatzeari • Lutxi Urigoitia Goardiaren operazio polizial batean hil zen, 1987ko uztailaren 11an. Goardia Zibilak eman-dako bertsioaren arabera, tiroketa baten ondoren, 1990an itxi egin zituzten Urigoitiaren heriotzari eta tiroketari buruzko ikerketa judizialak.

El Mundo egunkariak, baina, Goardia Zibilak Urigoitiaren heriotzari buruzko frogak manipulatu zituztela ziuten Cesid-en dokumentu batzuk kaleratu zituen 1995ean. Hala, urte horretan bertan Donostiako Instrukzio Bigarren Epaitegiak berriro ireki zuen ikerketa.

Luis Roldan Goardia Zibileko zuzendari ohia zen, besteak bes-

te, 'Urigoitia kasuko' inputatuetako bat. Roldanek bere deklarazioan baieztatu zuenez, Goardia Zibilak hainbat froga manipulatu zituen, frogak eta poliziak emandako bertsio ofizialak bat egin zezaten. Azaldu zuenez, Jose Barrionuevok eta Rafal Verak bazekiten frogak manipulatuak izan zirela. Roldanen arabera, Barrionuevo berarekin aritu zen gai horri buruz hitz egiten.

Roldanen eta gainontzeko inputatu eta lekukoen deklarazioak entzun ostean, Justo Rodríguez epaileak erabaki zuen kasu argitzeko beharrezkoa zela Jose Barrionuevok inputatu gisa deklaratzeari. Izan ere, 'Urigoitia kasuko' diligentsietan birritan azaldu zen sozialisten Barne ministro ohiaren izena: Espainiako Gobernuak desklassifikatu berri zuen Cesiden dokumentu batean, eta Roldanen deklarazioan. X

IUko Batzorde Eragileak onartu egin du UPN, PSN eta CDNren erabaki proposamena

Idazkia prestatzeko erabili duten modu «bartzertzailea» salatu du

Erredakzioa / Iruñea

NAFARROAKO IUko Batzorde Eragileak UPN, PSN eta CDN ETaren su-etenak sortu egoera berriaz hitzartu proposamena onartu zuen atzo, arratsaldean egindako bilkuran. Horrenbestez, indar ezkeriarak agiriaren alde bozkatu du Legebiltzarrak bihar eta etzi su-etenaren ostean sortu egoera berria aztertzeko eginen dituen ezohiko bilkuretan. IUko Batzorde Eragileak 11 kide Parlamentuan erabaki proposamenari baietz ematearen alde azaldu ziren, 6 abstentzearen alde, eta bi proposamenen aurka.

Gogoratuko denez, agiriaren ardatz nagusia Nafarroaren egungo marko juridiko politikoaren defentsa da, eta halaber proiektu politiko guztien zilegitasunaren alde egin du. IUk atzo bertan plazaratu prentsa oharrean arabera, idazkiak «IUk marko juridiko-politikoaz duen jarreraren oinarri nagusiak biltzen ditu», eta hori da onartzeraren bultzatu duen zio nagusia.

Nolanahi ere, Batzorde Eragileak UPN, PSN eta CDN erabaki proposamena prestatzeko erabili duten modu «bartzertzailea» salatu zuen. «Modu itxian bildu ziren, beste indar politikoei testuaren osaketan parte hartzeko betarik eman gabe», azaldu zuten prentsa oharrean. X

HBk Ansuategi Parlamentura joateko eskatuko du

Erredakzioa / Iruñea

HERRI BATASUNAK eskatu du Francisco Javier Ansuategi Espainiako Gobernuko ordezkariak Nafarroako Parlamentuko Giza Eskubide-entarako Batzordean agertzeko, Iruñeko Donibane auzoan urriaren 31n izan liskarren inguruko azalpenak emanditza. Espainiako Poliziak Nazionala «modu basati» oldartu zen Eneko Isiegas preso ohiaren omenaldian parte hartzen ari zirenen aurka. Pertsona bat atxilotu zuten, eta hainbat zauritu izan ziren. Haietatik lau ospitalera eraman behar izan zituzten. HBren aburuz, Ansuategi «dinamika errepresiboak» du batere laguntzen egungo une politikoan beharrezkoa den distentsioa lortzeko tenorean, bake prozesua aurrera ateratzeko orduan. X

Ertzaintzak hainbatetan epailearen aurrean aurkeztu den gazte bat atxilotu zuen atzo arratsaldean, Irunen

Entzutegi Nazionalaren aginduz atxilotu dutela dio Barne Sailak, baina Madrilen ukatu egin dute hori

Erredakzioa / Donostia

ERTZAINZAK atzo arratsaldean Aimar Aiarza gaztea atxilotu zuen Irunen, eta lerro hauek idazteko unean atxilotua jarraitzen zuen. Barne Sailak EGUNKARIARI jakinarazi zionez, gaztea Entzutegi Nazionalen atxilotzeko agindua zegoelako atxilotu dute, eta arrazoia kale istiluetan parte hartzea bide da.

Aitzitik, Aimar Aiarzaren abokatuak Madrilgo Entzutegi Nazionalera deitu zuen, eta han jakinarazi zioten gaztearen aurka ez zegoela atxilotze agindurik. Halaber, AABek jakinarazi dute-

nez, atxilotuta egiteko Irungo Herriko Tabernara joandako ertzainek ez zieten inolako atxilotze agindurik erakutsi bertan zeuden pertsonen, hainbatetan eskatu zieten arren. Aipatzeko da, gainera, gazteak atzo goizean bertan Irungo Epaitegian idatzi bat aurkeztu zuela, bere burua epaitegiaren esku jartzeko.

Ertzaintzak irailaren 4an polizi operazioa egin zuen Irunen eta Oiarzun, eta orduan Aimar Aiarza, Aritz Rementeria eta Unai Izagirre irundarrak atxilotzen saiatu zen. Irailaren 11n hiru gazteek euren abokatuaren bidez idatzi bat aurkeztu zuten

Entzutegi Nazionalen, zeinaren bidez Entzutegian euren kabuz aurkezteko borondatea azaltzen zuten. Ondoren, hiru gazteak aske geratu ziren, Ismael Moreno Entzutegi Nazionalen epaileak deitu zain. Geroztik gazteen abokatuak hainbatetan galdetu die epaileari eta baita Ministerio Fiskalari ere gazteei deklarazioa hartu nahi ote zieten, baina hauek deklarazioa hartzeko arrazoirik ez dagoela erantzun diote.

Urriaren 27an abokatuak Ertzaintzaren Irungo eta Donostiako komisaldegira fax bana bidali zituen eginiko gestioen berri emanez, eta gazteak Entzu-

tegi Nazionalen deklaratzeko prest zeudela azalduz. Halaber, komisaldegian ez deklaratzeko eskubidea bere egiten zutela gogoratzen zuten. Askotan ertzainak hiru gazteen etxeen inguruetan jarraitzen zuten, atzo goizean bertan antzeko idatzi bat aurkeztu zuten hiruren irungo Epaitegian.

Atxilotetari dagokionez, Herriko Tabernan izan da berau, eta ordubete inguru iraun zuen, ertzainek ez zutelako atxilotze agindua erakutsi. Azkenean, agindua erakutsi ez arren, tabernara sartu ziren eta Aimar Aiarza atxilotuta eraman zuten. X